


206194

I

100.1000

Eng. St. Dr.



FIDES INDUBITATA

Omnium Ordinum Regni

Ad Kamionam

PROBATA.

Electionem Serenissimi Principis
Poloniæ, Et Electoris
Saxonix,

Ab inclytis Regni Poloniæ, & M. D.
Lithvanix Ordinibus,

Ad mentem totius Reipublicæ

FACTAM.

Anno Dni 1733. Die 5. Mensis Octobris.

NEminem verè Patriæ & Libertatis
amantem latere arbitror, Electionem
Serenissimi Principis Regij, & Electoris
Saxonix, in Regem Poloniarum, præme-
dita.

** Kamiona Campus Electoralis S. AUGUSTI III. Praga, vi annotatione
Nominis significat Lapidem seu Petram.*



ditatō consilio, ac deliberatā libertate,
juxta legum præscripta, à confæderata
Republica, factam et peractam esse. Qui-
nimò & Confæderationi Varſaviensi,
tanquam basi & fundamento rei inni-
xam, ex infra dicendis patebit. Atq; ideo,
retroactos sæculorū annales, centuriata
Volumina legum volvere & revolvere,
operæ pretiū non est. In vos tantummo-
dò manum verto, quibus placuit legem
ferre, non observare. Quos aureò vincu-
lō, verior Hercules Gallicanus, ad sua tra-
xit vota, non Confæderatio. Nos inquam
fædere Varſaviensi ac nostro illigati, in
plena libertate constituti, juxta ordina-
tionem Reipublicæ, liberis votis, ac Su-
peris suffragantibus, nemine contradi-
cente, omnibus applaudentibus, Regem
elegimus & nominavimus Serenissimū
Augustum III. Quod ut veriùs pateat, per-
ar.

articulos, ad id specialiter ab inclytis
Reipublicæ Ordinibus, Varſaviæ ſanci-
tos, reſponſivè probabitur.

imo. art: 10. fol: 2. *Pro firmamento &
perennaturo in poſteritatem fundamento
publicznego ſzczęſcia zakładamy ſobie, y
przytey Generalney Konfederacyi poprzy-
ſiężoney fide, Honore, & conſcientiis obowie-
zujemyſię: że przyſłęgo Krola Jmſci Pa-
na naſzego, Prawdziwego natione Polaka,
y Rzymskiego Katolika obierzemy &c.*

Pro firmamento, & perennaturo in po-
ſteritatem fundamento publicæ felicita-
tis, pollicemur ad invicem, ac Generali
hac Confæderatione, ſub fide, Honore,
& Conſcientiis juratâ, obſtringimus nos,
futurû Regem Dominum noſtrû, verum
natione Polonum, & Rno-Catholicum,
electuros fore &c.

Antequam reſpondeam ad hunc articu-

lū, & sequentes, notandum est, omnem
(si hactenus aliquis fuit) sublatum esse
scrupulum, per resolutionem Romanam
Theologorum, à Sanctissimo Domino no-
stro Papa Clemente XII. deputatorum,
super nullitate & invaliditate Juramenti,
utpotè in præjudicium tertij facti, vi, &
metu in virum constantem cadente, ex-
torti. * Itaq; præcisò juramentò.

Et Duo hæc: *Natione Polonum, & Rno-
Catholicum*, in præsentī art: tanquam
cardinalia: certissima reperiri, ac verissi-
ma esse in Serenissimo Augusto III. jam
dudum sæcula probarunt, in Serenissimo
olim Rege Augusto II, Parente suo desi-
deratissimo: ac insuper ad casum præsen-
tem, per duodenos rivulos, Serenissimū
Neo-Electum in venas Regio-Iagielloni-
cas, influere testantur in Schemate Ge-
ne-

*Vide de hoc resolutio: Rom:

nealogico recenter edito.* Unde non ero
colligendis ad respondendum rationibus
longior, cùm compertum sit, Serenissi-
mum AUGUSTUM III. per vetustissimā,
in Polonia lineā Regio, Jagiellonicam non
esse degenerem à Piaſto. Religionem ve-
rò in Principe Rno Catholicam, Phæni-
cem ſæculi, ſeptemtrio noſter, & rari
pretij in Corona, pietatis gemmam vene-
ratur. Nec obest quidpiam Ejus Electi-
oni, quod indebitè in Confæderatione
apponitur; ~~ex utriſq; Parentibus Ortho-~~
~~doxæ Fidei.~~ Novum enim hoc inventum,
libertati injurioſum, nec viſum prius, nec
auditum unquam, minimè repugnat legi
communi & Cardinali Reipublicæ: *REX*
Catholicus eſto. Non enim Respublica ſol-
licita eſt de fide Parentum, ſed Regum
ſuorum, inter quos jam probè nōſtis in
Sere.

*Vide ſchema Genealogicum, Propositionibus Sex: Neo-Electi, adiectum

Serenissimo AUGUSTO II, fidem indubitatam ac infallibilem: quam diutim propriis meritis Virtutibusq; auget & adornat, Serenissimus AUGUSTUS III. Nec benè sonat, quod dicitur: *Rex futurus eligendus, qui nulla dominia & exercitum extra Regnum habeat.* Ignoscite (ut verum fatear) vos in hoc puncto aut deliquisse, aut certè publico privatum prætulisse bonum.

Rex etenim, quicumq; ille sit, Poloniæ, per pacta conventa, sacrosanctò se obstringit vinculò: quod Regni limites extendet, avulsa recuperabit &c. ad quod certè milite opus est, non miraculò. Cesabit inopia, qua hucusq; laboramus, & cum ignominia Nominis Christiani, cogimur recurrere ad Paganos, Turcas, & Tartaros auxiliares. Nec aliena mendicabimus arma, si propria habebimus, quæ
Sere-

Serenissimus Electus, in casu necessitatis, ad vota & tenorem desiderii Reipublicæ, sine gravamine suppeditare declarat. *

2do. art: 12. fol: 3. *Tudzież przy wolney Krolow y Panow najzych Elekcyi, substancye, y zdrowia nasze łożyć, przez tę Konfederacyą naszą przyrzekamy sobie.* Itaq; pro libera Regum & Dominorum Nostrorum Electione, vitam & substantiam nostram consecrare, hac Confæderatione pollicemur ad invicem.

¶ Quis non ingenuè fatebitur? vos Togatos Reipublicæ Patres, legum vindices acerrimi, & liberæ vocis arbitri observantissimi, fortunam & Substantiam Vestram, integritati Patriæ consecrâsse? flocci penditis totum: purpuram appretiâstis sanguine, vitâ libertatem, & ne quid.

¶ Vide de hoc Propositio: Ser: AUGUSTI III. ad Rempublicam

quidquam liberæ Electioni detraheretur,
odistis *Wolam** ubi nullum velle fuit, u-
bi non libera suffragia, sed vox refraga-
ria Regem proclamavit insolenter. Con-
tra quem publico ore protestati, *plus*
ultra fiximus metam Consiliorum nostro-
rum, ne liberum in nobis suffocaretur
veto, & simul caderet cum vita libertas.

3tio. art: 14. fol: 3. *A inaczeyna za-
dnego Pana niemamy pozwolic, jedno Kto-
regobyśmy przez wolne suffragia, nemine
contradicente zgodnie ubrali.*

Nec aliàs ullum permissuri sumus Do-
minum, nisi quem per libera suffragia, ne-
mine contradicente concorditer elege-
rimus.

¶ Illi inquam, Viri Sapientes verè Pa-
tres Patriæ, pro tuendo libero veto, diu
noctuq; studuistis indefessi, ne præjudi-
cium

*Sic vocatur Campus Electoralis ad Varsaviam, quod ex annotatione nominis
significat Voluntatem.

ciūm fieret legum. Ne prius ullus Rex nominaretur, nisi in quem liberæ quiescerent voces, non impositæ. Docuistis contra imperitorum opinionem: unum non sufficere ad pervertendas omnium mentes, sed quòd Universi ad reprimendam unius pertinaciam sufficiant? probatis ad Kamionam.

4to. Art: 15. fol: 3. seriò cavetur, ne Celsissimus Princeps Primas ad nominationem acceleret, ante trinam interrogationem factam de consensu omnium.

J nienprzod J. O. Xiqze Jmśc Primas do nominacyi przystąpi, aż pierwey po trzykroć spyta, ieżeli iest wszytkich consensus.

R Veneror hoc loco in profundissima Veneratione Illmū Excell: ac Reverendissimum Dominum Episcopum Posnaniensem, verè Libertatis Statorem. Qui ordine & votò fraternò, in absentia Illu.

B

stris

*striffimi ac Reverendiffimi Domini Episco-
pi Kujaviensis, Primatiali functus Dignita-
te, ad amiffim legū & exemplum aliorum,
præmiſſâ, de liberrimo fenſu & conſen-
ſu omnium ordinum, trinâ interrogati-
one, nemine contradicente, Regem Sere-
niſſimum AUGUSTUM III. Poloniarum
nominavit, omnibus applaudentibus.
Et paulò poſt additur in eodem art: *A
iezeliby kto bądź z Rad tak Duchownych
iako y Swieckich, albo Urzędników Ko-
ronnych y W. X. Litt: et ex privatis per-
ſonis, wazyl ſię nominować ſine unanimi
conſenſu omnium ordinum, tedy Każdego
takiego pro hoſte Patriæ mieć chcemy.*
Et ſi quis tam ex Spiritualibus quàm
ſæcularibus Senatoribus, ſive Officiali-
bus Regni & M. D. Litv: & ex priva-
tis perſonis, auderet nominare ſine una-
nimi conſenſu omnium ordinum, tunc
qui.*

quavis talis pro hoste Patriæ habendus est.

R. Cùm ex hactenus dictis, fiat clarè omnibus pateat, nos amore, zelò, & fraternò unitos nexu, in unione animorum, & unanimi consensu omnium ordinũ, Regem elegisse & nominasse, non nos hæc lex afficit concordēs, sed scissos & avulsos Fratres à Republica benè sentiente. Quorum proinde interest recta sapere & intelligere, ut benè agant.

3to art: 18. fol: 4. *Na Każdego gwałtownika Praw y wolności naszych tak dawnych (Ktore wszystkie reasumuiemy) iako y na terażnieyszey naszej Konfederacyi postanowionych, wszyscy powstaniemy, y poki zdrowia, substancyi, y krewie naszej stanie, oponować się będziemy.*

Contra quemvis violatorem legum & libertatum nostrarum, tam antiquarum (quas omnes reasumimus) quàm & in

præsenti nostra Confæderatione sancita-
rum, insurgemus, & opponemus nos,
quousq; vita, substantia & sanguis no-
bis non deficiet.

R. Hinc Gloriæ vestræ Patres conscri-
pti ac ordines incliti Reipublicæ Confede-
rate, sæculorum manebit fama, quod
contra violatores legum, libertatis De-
fensores extitistis, quod periclitantis Pa-
triæ tutamini, & ejus curæ ita studuistis;
ut mortem cum libertate conjunctam
adamaretis: odioq; vitam cum servitute
haberetis. In id unicè omnem operam ac
industriam vestram impendistis, ut con-
tra quosvis liberi veto oppressores, liber-
tatis jura propugnaretis illæsa.

6to. art: 23. fol: 5. a ta Elekcyja trwać
ma iako naykrocey, y ieżeli się prędzey
nie skończy, tedy żadną miarą niema ex-
cedere czasu Seymowi ordinarynyemu na-
zna-

znaczonego, to iest *śeściu Niedziel.*

Et hæc Electio duratura est quàm brevissimè, nec ullatenus excedere debet terminum, alias comitiis ordinarijs solitum,, nimirum sex septimanarum.

By Ad id verificandum, nec Geometris nec Arithmeticis opus est, Constat enim id ex 5ta Octobris sacrosanctè in termino sex septimanarum, ab omnibus Ordinibus Regni, præfixo, auspice Numine feliciter peractum esse.

7mo. art: 27. fol: 6. *miejscu Elekcyi*
Zwyczajne między Warszawą y Wolą &c.
Locum alias Electioni solitum, inter Varfaviam & Volam assignamus &c.

By Quod in tempore (ut præcedenti articulo dictum est) ad locum alias Electioni Regum Poloniarum solitum, non pervenerimus? vestrâ culpâ hæc acciderunt non nostrâ. Est Vistula testis,

b3

sunt

sunt idem & tormenta bellica, quibus
libertatem vulnerâstis, non tamen occi-
distis. Quam violentâ manu à Vola-
malæ voluntatis, ad liberioris auræ *Kamio-
nam** repulistis. Ubi DEO sic statuente,
fatisq; id decernentibus, veluti ad Ly-
dium lapidem, morum integritatem, for-
titudinis constantiam, ac animi robur in
Principe probavimus omnes: Hunc di-
gnum esse Regem *Antemuralis Christiani-
tatis*, quem DEUS ab æterno elegit,
& præelegit virum fortem & Saxeum,
Serenissimum AUGUSTUM III. Quod
felix faustumque sit.

Hoc positô: recolligite in compendio di-
cta: in verbis veritatem, in opere colli-
gite fidem; quâ hætenus ex Generali
Confæderatione Varsaviensi probatum
manet: Electionem Serenissimi AUGU-
STI III. legibus antiquioribus & novellis

Vide concordantiam folij primi,

Ret.

Reipublicæ conformem, ad tenorem omnium ordinum Regni (à quò nec pedem excessimus) liberis suffragiis, nemine contradicente, in tempore & loco, (ob dicta art: 27. n:7.) debito & practicato: nullis obnoxiam novitatibus, antiquâ formâ & praxi Reipublicæ; factam & peractam esse, *Moribus antiquis res stat Romana, Virig.*

Contra verò, actum fuisset de nobis & Libertate nostra, ni dexter Dei Digtus, naufragantem inter Scyllam et Charibdim Civium animorum, aliter direxisset Rempublicam. Quam turbida ingenia, consilia violenta eò impulerunt, unde eversionem status, Respublica jacturam, nonnisi sperare potuit, nisi providis vobis Amiralibus, sub perito Regni Navarcho, ad Promontorium bonæ spei provecta fuisset. O! res mira & scandali ple.

plena, ubi rationi voluntas, violentia.
veto opponitur. * Ubi sub simulata li-
bertate, pro ratione agendi, mandatum
imponitur liberæ Genti, hunc non
alium &c.

Nec valet, si dicas: hanc Electionem
non fuisse ad mentem Reipublicæ, ideo,
quia Affecclæ Stanislai illi non interfue-
runt. &c.

By. Imo: nihil horum absentia, Ele-
ctioni Serenissimi Neo-Electi, præjudi-
cat, utpote muta simulacra loqui nescia,
ut constat ex Art: 20. fol. 4 *Wzynwaiqc*
do niey wszytkich stanow Rzeczypospoli-
tey (exceptis jure victis) Et quoniam
per art: 15. n. 4. ostensum est; omnes,
qui sine unanimi consensu omnium or-
dinum nominârunt Stanislauum, hostes
Patriæ esse, ideo ipsô factô, jure hosti-
litis sunt victi, ac per consequens in-
capaces votandi pro Rege. *By.*

R. 2do. Quando in Confæderatione
prohibetur, Regem nominare sine una-
nimi consensu omnium, intelligendum
est de consensu omnium præsentium,
non absentium, qui ubiq; voce carent,
Ergo minimè absentia Stanislaitarum ir-
ritat consensum omnium nostrum.

Quamobrem, *cùm tempus habetis, opera-*
mini salutem cum illis, quorum gravitatē,
constantiam, fidem præstantem, in Re-
publica tuenda curam atq; prudentiam,
omnium mortalium fama celebrabit. De-
sistite ab hostilitate, quam incurristis per
nominationem Stanislai, & accedite no-
biscum ad unionem, & amicitiam frater-
nam. Recedite à malo, & *convertimini ad*
Dominum; qui ex innata sua clementia,
primo clementior ævo, * plenariam vobis
indulget veniam. Ea etenim est Princi-
pum maxima, *parcere subjectis & debel-*
lare superbos. * Reddite ei vitam, à quo

* Claud :

* Virgi :

salus

salus nostra pendet. Cui si in tempore
denegabitis homagium, actum erit de no-
bis, actum & de vobis: pro quibus, sub-
stantia nostra pœnam luere debet, sine
peccato. Ite in adorationem & recogni-
tionem Supremi Dominij Serenissimi
AUGUSTI III. Atq; ad communem ho-
die nobiscum, post jurata *Paſtorum con-
ventorum* sponsalia, pergite lætitiâ, fe-
stivis vocibus unâ nobiscum intonando:

VIVAT AUGUSTUS III. DEI
Gratia Rex Poloniæ & M.D.L.



re
o-
b-
ne
i-
ni
o-
m-
e-
o:
I
o.



Biblioteka Jagiellońska

slcr0024492

